

## Навоийлик йўлсозларнинг йиллик натижалари

---



Навоийлик йўлсозлар ҳам ўтган 2017 йилни сарҳисоб қиласа эканлар, бу борада эришилган сезиларли натижалар ва рақамларни келтириш мумкин. Ўтган йил давомида мазкур вилоятдаги автомобиль йўлларининг талай қисмida қурилиш, таъмирлаш ва сақлаш ишлари амалга оширилди.



Навоий вилояти худудида 8138 км автомобиль йўллари мавжуд бўлиб, шундан 302 км – халқаро аҳамиятдаги, 2490 км – давлат аҳамиятидаги, 1125 км – маҳаллий аҳамиятдаги умумий фойдаланишдаги автомобиль йўллари ҳисобланиб, ички йўллар 4221 километрни ташкил этади. Демак, 2017 йил рақамларига мурожаат қиласиз:

Вилоядада халқаро аҳамиятдаги М-37 "Самарқанд-Бухоро-Туркманбоши" автомобиль йўлининг 116-126 километрларида - 10 км автомобиль йўли қайта қуриб, фойдаланишга топширилди. Бундан ташқари, 4Р64г автомобиль йўлининг 12,7-километридаги темир йўл устидан ўтувчи – йўл ўтказгич қайта қурилди. Хатирчи тумани худудидаги автомобиль йўлларида 4 та кўприкда таъмирлаш ишлари тўлиқ тугатилди.



Халқаро, давлат ва маҳаллий аҳамиятдаги 7 километрдан ортиқ умумий фойдаланишдаги автомобиль йўллари капитал таъмирланди.

Ўтган йили Навоий вилоятидаги 117 км дан ортиқ минтақавий ички автомобиль йўллари таъмирланди. Шунингдек, Навоий шаҳридаги "Ғалаба" шох кўчасининг қарийб 3 км қисмини тўла таъмирлаш ҳамда Навоий эркин иқтисодий зонасининг 2 км ички йўлларини қуриш ишлари олиб борилди.



Навоийлик йўлсозларнинг яна бир натижасини айтиб зтиш ўринлики, йил давомида улар томонидан 16 дона замонавий йўл қурилиш техникалари ҳамда замонавий "MIXO" цементобетон қориши маси ишлаб чиқарувчи завод харид қилинди ва ишга туширилди.

Автомобиль йўллари давлат қўмитаси

матбуот хизмати